

1992 nr. 30 27. maí

Lög um yfirskattanefnd

Tóku gildi 1. október 1992. *Breytt með l. 111/1992 (tóku gildi 1. jan. 1993), l. 37/1993 (tóku gildi 1. jan. 1994), l. 31/1995 (tóku gildi 1. jan. 1996), l. 37/1995 (tóku gildi 9. mars 1995), l. 96/1998 (tóku gildi 24. júní 1998), l. 129/2004 (tóku gildi 31. des. 2005), l. 88/2008 (tóku gildi 1. jan. 2009 nema brbákv. VII sem tók gildi 21. júní 2008), l. 136/2009 (tóku gildi 1. jan. 2010), l. 165/2010 (tóku gildi og komu til framkvæmda skv. fyrirmælum í 69. gr.) og l. 126/2011 (tóku gildi 30. sept. 2011).*

Upphafssíkvæði.

■ **1. gr.** Ágreiningsmál um ákvörðun skatta, gjalda og skattstofna, þar með talin rekstrartöp, skulu úrskurðuð af sérstakri óháðri nefnd, yfirskattanefnd.

Gildissvið.

■ **2. gr.** Úrskurðarvald yfirskattanefndar tekur til ákvörðunar skatta og gjalda samkvæmt lögum um tekjuskatt . . .¹⁾ lögum um tekjustofna sveitarfélaga, lögum um staðgreiðslu opinberra gjalda, lögum um tryggingagjald, lögum um Iðnlána-sjóð, lögum um iðnaðarmálagjald, lögum um Útflutningsráð Íslands, lögum um málefni aldraðra, lögum um skattskyldu innlánssstofnana, lögum um Þjóðarbókhlöðu og endurbærut menningarbygginga, lögum um sérstakan skatt á verslunar- og skrifstofuhúsnæði, lögum um frádrátt frá skattskyldum tekjum vegna fjárfestinga manna í atvinnurekstri, lögum um húsnæðissparnaðarrekninga, lögum um virðisaukaskatt, lögum um vörugjald, lögum um sérstakt vörugjald, lögum um almannatryggingar er varða skattákvörðun og öllum öðrum lögum um skattákvörðun.

□ Yfirskattanefnd skal úrskurða kærur um öll gjöld sem [ríkisskattstjóri úrskurðar um]²⁾ skv. 1. mgr.

□ Yfirskattanefnd skal úrskurða um sektir skv. [109., sbr. 110. gr., laga nr. 90/2003, um tekjuskatt],¹⁾ skv. 30. gr., sbr. 31. gr., laga nr. 45/1987, um staðgreiðslu opinberra gjalda, með síðari breytingum, [skv. 40. gr., sbr. 41. gr., laga nr. 50/1988, um virðisaukaskatt, með síðari breytingum, skv. 38.–40. gr., sbr. 41. gr., laga nr. 145/1994, um bókhald, og skv. 84.–87. gr., sbr. 88. gr., laga nr. 144/1994, um ársrekninga].³⁾

¹⁾ L. 129/2004, 93. gr. ²⁾ L. 136/2009, 66. gr. ³⁾ L. 37/1995, 8. gr.

Aðild.

■ **3. gr.** Skattaðilum er heimilt að skjóta til yfirskattanefndar kærúrskurðum . . .¹⁾ ríkisskattstjóra um skattákvörðun og skattstofna.

□ [Viðkomandi sveitarfélagi er eftir atvikum heimilt að kæra úrskurði ríkisskattstjóra til nefndarinnar með sama hætti og skattaðilar og að uppfylltum sömu skilyrðum].¹⁾

□ Ríkisskattstjóri skal koma fram gagnvart yfirskattanefnd fyrir hönd gjaldkrefjenda. Við ákvörðun sekta kemur skatt-rannsóknarstjóri fram sem kröfuaðili.

¹⁾ L. 136/2009, 67. gr.

Lögsaga.

■ **4. gr.** Yfirskattanefnd hefur lögsögu á öllu landinu og hefur aðsetur í Reykjavík. Nefndinni er þó heimilt að ákveða málflutning og úrskurða um einstök ágreiningsmál annars staðar á landinu ef hún telur þörf á.

Kærufrestur.

■ **5. gr.** [Kærufrestur til yfirskattanefndar skal vera þrí manuðir frá póstlagningu úrskurðar . . .¹⁾ ríkisskattstjóra.

□ Kæra skal vera skrifleg. Kærunni skal fylgja frumrit eða endurrit úrskurðar . . .¹⁾ ríkisskattstjóra sem kæran tekur til. Í kærunni skal koma fram hvaða atriði í úrskurðinum sæta kæru og rökstuðningur fyrir kröfum. Gögn, sem ætluð eru til stuðnings kærunni, skulu fylgja í frumriti eða endurriti.

□ Ef kæra fullnægir ekki skilyrðum 2. mgr. skal yfirskattanefnd beina því til kæranda að bæta úr annmörkum innan hæfilegs frests. Verði kærandi ekki við því skal yfirskattanefnd vísa kærunni frá.]²⁾

□ [Kæra til yfirskattanefndar frestar ekki réttaráhrifum ákvörðunar.]³⁾

¹⁾ L. 136/2009, 68. gr. ²⁾ L. 96/1998, 1. gr. ³⁾ L. 37/1993, 36. gr.

Gagnaðflun.

■ **6. gr.** Yfirskattanefnd skal tafarlaust senda ríkisskattstjóra kæru skattaðila ásamt endurriti af þeim gögnum er kunna að fylgja kæru hans. [Hafi sveitarfélag kært úrskurð ríkisskattstjóra],¹⁾ sbr. 5. gr., skal yfirskattanefnd tafarlaust senda skattaðila endurrit kæru ásamt gögnum er henni fylgdu og gefa skattaðila kost á, innan hæfilegs frests, að koma með andsvör sín og gögn. . .¹⁾

□ Ríkisskattstjóri skal í tilefni af málsmeðferð fyrir yfirskattanefnd afla frumgagna . . .¹⁾ varðandi hina kærðu ákvörðun . . .¹⁾

□ Ríkisskattstjóri skal hafa lagt fyrir yfirskattanefnd innan 45 daga, frá því að honum barst endurrit kæru, rökstuðning í málínu fyrir hönd gjaldkrefjenda og nauðsynleg gögn er hann hefur aflað . . .¹⁾ [Jafnframt skal ríkisskattstjóri senda viðbótarupplýsingar ef málavextir þykja vera þess eðlis að ástæða sé til þess að afla frekari gagna.]²⁾

□ [Yfirskattanefnd er jafnan heimilt að beina því til skattaðila eða ríkisskattstjóra að leggja fram frekari gögn eða upplýsingar máli til skyringar ef hún telur málið ekki nægilega upplýst og setja þeim ákveðinn frest í því skyni.]²⁾

¹⁾ L. 136/2009, 69. gr. ²⁾ L. 96/1998, 2. gr.

Málflutningur.

■ **7. gr.** Skattaðila er heimilt að óska þess að hann eða umboðsmaður hans geti flatt mál munnlega fyrir yfirskattanefnd. Sömu óskir getur ríkisskattstjóri sett fram. Ósk skattaðila eða ríkisskattstjóra um munnlegan málflutning skal koma fram í rökstuðningi hans í kæru. Formaður yfirskattanefndar ákveður hvort munnlegur málflutningur fari fram og skal tilkynna skattaðila og ríkisskattstjóra um þá ákvörðun sína.

□ Ef mál er flókið, hefur að geyma vandasöm úrlausnarefni, er sérlega þýðingarmikið eða varðar ágreining um grundvallaratriði í skattarétti eða reikningsskilum er yfirskattanefnd heimilt að ákveða sérstakan málflutning. Skal yfirskattanefnd þá afgreiða mál skv. 4. mgr. 9. gr. og eftir atvikum 10. gr.

□ [Sé eigi þörf á sérstökum málflutningi að mati nefndarinnar skal taka mál til uppkvaðningar úrskurðar að fengnum gögnum sem um rædir í 6. gr. og andmælum kæranda eftir því sem ástæða er til.]

□ Séu gögn skv. 3. mgr. 6. gr. ekki lögð fyrir yfirskattanefnd innan frests sem þar greinir er yfirskattanefnd heimilt að kveða upp úrskurð á grundvelli fyrrliggjandi gagna, enda telji hún málið nægilega upplýst.]¹⁾

¹⁾ L. 96/1998, 3. gr.

Lok málsmeðferðar.

■ **8. gr.** [Yfirskattanefnd skal úrskurða kærur eins fljótt og auðið er og eigi síðar en sex mánuðum eftir að henni hafa borist gögn sem um rædir í 3. mgr. 6. gr. Ef gögn þessi berast ekki fyrir lok frests sem þar greinir skal sex mánaða fresturinn reiknast frá lokum þess frests.

□ Nú fellur úrskurður yfirskattanefndar skattaðila í hag, að hluta eða öllu leyti, og getur yfirskattanefnd þá úrskurðað greiðslu málskostnaðar úr ríkissjóði, að hluta eða öllu leyti, enda hafi hann haft uppi slíka kröfum við meðferð málsins, um sé að ræða kostnað sem eðlilegt var að hann stofnaði til

vegna meðferðar málsins og ósanngjart væri að hann bæri þann kostnað sjálfur.]¹⁾

¹⁾ L. 96/1998, 4. gr.

Nefndarmenn.

■ **9. gr.** Í yfirskattanefnd skulu sitja sex menn sem skipaðir skulu til sex ára í senn og skulu fjórir nefndarmannanna hafa starfið að aðalstarfi. Skulu nefndarmenn fullnægja skilyrðum sem sett eru í [85. gr. laga nr. 90/2003, um tekjuskatt],¹⁾ um embættisgengi [ríkisskattstjóra].²⁾ [Ráðherra]³⁾ skipar formann og varaformann úr hópi þeirra nefndarmanna sem hafa starfið að aðalstarfi. Báðir skulu uppfylla skilyrði sem sett eru um embættisgengi héraðsdómara. Ætíð skal annaðhvort formaður eða varaformaður taka þátt í úrlausn hvers máls.

□ Formaður yfirskattanefndar hefur yfirstjórn hennar með höndum og ber á henni ábyrgð. Hann fer með fyrirvar nefndarinnar út á við. Formaður úthlutar nefndarmönnum málum til meðferðar og skipar þeim í deildir ef yfirskattanefnd starfar deildaskipt. Varaformaður er staðgengill formanns og gegnir störfum hans þegar formaður er forfallaður eða fjarstaddir. Hann skipar forsæti þegar formaður situr eigi í nefnd.

□ Í hverju máli skulu þrír nefndarmenn úrskurða eftir nánari ákvörðun formanns yfirskattanefndar.

□ Hafi yfirskattanefnd ákveðið sérstakan málflutning, sbr. 2. mgr. 7. gr., skulu fimm nefndarmenn taka þátt í úrlausn máls.

¹⁾ L. 129/2004, 94. gr. ²⁾ L. 136/2009, 70. gr. ³⁾ L. 126/2011, 163. gr.

Sérfróðir aðila.

■ **10. gr.** Yfirskattanefnd er heimilt að kalla sér til ráðgjafar og aðstoðar sérfróða aðila ef hún telur þörf á. Skulu þeir aðilar starfa með yfirskattanefnd eftir nánari ákvörðun formanns eða varaformanns sem ákveður þeim þóknun fyrir starfann. Sératkvæði.

■ **11. gr.** Formaður eða varaformaður stýrir störfum nefndarinnar. Þegar nefndarmenn eru eigi sammála um niðurstöðu ræður meiri hluti niðurstöðu máls. Ef nefndin þríklofnar í aðstoðu sinni eða niðurstaða getur eigi ráðist af atkvæðamagni ræður atkvæði formanns eða varaformanns ef formaður situr ekki í nefndinni.

Skattframtal sem kæra.

■ **12. gr.** Berist yfirskattanefnd kæra sem rökstudd er með skattframtni sem ekki hefur sætt efnisúrlausn hjá [ríkisskattstjóra]¹⁾ skal nefndin senda kæruna til [ríkisskattstjóra]¹⁾ til uppkvaðningar nýs úrskurðar. [Nefndin skal tilkynna skatt-aðila og umboðsmanni hans um þá ákvörðun.]¹⁾

□ Með slíkt mál skal [ríkisskattstjóri]¹⁾ fara skv. 99. gr. [laga nr. 90/2003, um tekjuskatt],²⁾ og ljúka úrskurði innan tveggja mánaða frá því að honum barst málið til meðferðar frá yfirskattanefnd.

¹⁾ L. 136/2009, 71. gr. ²⁾ L. 129/2004, 95. gr.

[Endurákvörðun vegna kæru.]¹⁾

¹⁾ L. 96/1998, 5. gr.

■ **13. gr.** [Komi fram í kæru til yfirskattanefndar sem ríkisskattstjóri hefur til umsagnar skv. 6. gr. upplýsingar eða gögn sem ekki [lágum fyrir]¹⁾ við hina kærðu skattákvörðun en ríkisskattstjóri telur að eigi að leiða til verulega breyttrar niðurstöðu í málinu er ríkisskattstjóra heimilt að gefa skatt-aðila kost á því að honum verði gerður skattur að nýju, sbr. 3. mgr. 101. gr. [laga nr. 90/2003, um tekjuskatt],²⁾ með þeim áhrifum að kæran til yfirskattanefndar teljist afturkólluð. Í tilkynningu um þetta til skattaðila skal tilgreina þær breyttingar sem af endurákvörðun mundi leiða. Veita skal skattaðila 15

daga frest til að fara fram á endurákvörðun á þessum grundvelli og er hún ekki heimil án samþykkis hans. Fari skattaðili fram á endurákvörðun skal ríkisskattstjóri tilkynna það yfirskattanefnd þegar í stað. . . .¹⁾³⁾

¹⁾ L. 136/2009, 72. gr. ²⁾ L. 129/2004, 96. gr. ³⁾ L. 96/1998, 5. gr.

[Birting úrskurða.]¹⁾

¹⁾ L. 136/2009, 73. gr.

■ **14. gr.** Yfirskattanefnd skal [birta á vefsíðu sinni]¹⁾ helstu úrskurði nefndarinnar árlega. Heimilt er að stytta úrskurði í þeirri útgáfu en tryggja ber að úrskurðir, sem fordæmisgildi hafa, birtist þar.

¹⁾ L. 136/2009, 73. gr.

Málskot til dómstóla.

■ **15. gr.** Úrskurður yfirskattanefndar er fullnaðarúrskurður um skattfjárhæð. Ágreining um skattskyldu og skattstofna má þó bera undir dómstóla.

□ [Frestur [ráðherra]¹⁾ til málshöfðunar í tilefni af úrskurði yfirskattanefndar er sex mánuðir.

□ Nú telur ríkisskattstjóri ástæðu til að mæla með því við [ráðherra]¹⁾ að höfðað verði mál í því skyni að fá úrskurði yfirskattanefndar hnekkkt og getur hann þá jafnframt farið þess á leit við yfirskattanefnd að úrskurðurinn verði ekki látinna hafa fordæmisgildi að svo stöddu. Yfirskattanefnd er heimilt að fallast á slíkt erindi ef sýnt þykir að skattframkvæmd gæti raskast bagalega ef niðurstöðu úrskurðar yrði breytt með dómi. Frestun réttaráhrifa úrskurðar fellur úr gildi ef mál er ekki höfðað innan frests skv. 2. mgr. eða ef dómari fallst ekki á flýtimeðferð málsins eftir ákvæðum laga um meðferð einkamála.

□ Sé mál höfðað vegna úrskurðar yfirskattanefndar er nefndinni heimilt að fresta afgreiðslu annarra sambærilegra mála sem til meðferðar eru fyrir henni.]²⁾

¹⁾ L. 126/2011, 163. gr. ²⁾ L. 96/1998, 6. gr.

Vanhæfi nefndarmanns.

■ **16. gr.** Skylt er nefndarmanni að víkja sæti úr nefndinni í máli ef honum hefði borið að víkja sæti sem héraðsdómari í málinu.

□ Þá er nefndarmanni óheimilt að sitja í nefndinni til úrskurðar um kærumál skattaðila sem hann hefur haft afskipti af í fyrri störfum sínum og varðar skattákvörðun viðkomandi. Starfsmenn yfirskattanefndar.

■ **17. gr.** Yfirskattanefnd er heimilt að ráða sér starfsmenn til undirbúnings úrlausna mála auk almennra skrifstofustarfa eftir nánari ákvörðun Alþingis á fjárlögum hverju sinni.

Gjaldabreytingar.

■ **18. gr.** Þegar yfirskattanefnd hefur lokið úrskurði máls skal hún senda skattaðila, umboðsmanni hans og ríkisskattstjóra eintak úrskurðar og tilkynna innheimtumanni um gjaldabreytingu sem nefndin kann að ákveða . . .¹⁾ Skatt-aðilum skal tilkynnt um niðurstöðu máls og breytingu gjalda í ábyrgðarbréfi, [í almennri póstsendingu eða rafrænt].²⁾

¹⁾ L. 136/2009, 74. gr. ²⁾ L. 165/2010, 67. gr.

Pagnarskylda.

■ **19. gr.** Starfsmönnum yfirskattanefndar er bannað að viðlagðri ábyrgð eftir ákvæðum almennra hegningarárlaga um brot í opinberu starfi að skýra óviðkomandi aðilum frá því sem þeir komast að í starfi sínu og leynt á að fara, þar á meðal um tekjur og efnahag skattaðila. Pagnarskylda helst þótt látið sé af starfi. Hafi óviðkomandi aðili lagaheimild til að krefja yfirskattanefnd ofangreindra upplýsinga skal sama pagnarskylda hvíla á þeim sem fær slíkar upplýsingar nema ríkari pagnarskylda hvíli á honum að lögum.

Reglugerð.

- **20. gr.** [Ráðherra]¹⁾ er heimilt að kveða nánar á um starfs-hætti og störf yfirskattanefndar með reglugerð, þar með talið um réttarfarsreglur sem nefndin skal starfa eftir.

¹⁾ L. 126/2011, 163. gr.

Eftirlit.

- **21. gr.** [Ráðherra]¹⁾ hefur eftirlit með störfum yfirskatta-nefndar og fylgist með að hún ræki skyldur sínar. Árlega skal yfirskattanefnd senda [ráðherra]¹⁾ skýrslu um störf sín.

¹⁾ L. 126/2011, 163. gr.

Sektarmeðferð.

- **22. gr.** Yfirskattanefnd úrskurðar um sektir fyrir brot á lögum þeim sem talin eru í 2. gr. laga þessara nema máli sé vísað til [rannsóknar löggreglu]¹⁾ og dómsmeðferðar. Við meðferð máls skal gæta ákveða laga um meðferð [saka-

mála]¹⁾ að því er varðar rétt sökunautar og varnir hans. [Skatt-rannsóknarstjóri ríkisins]²⁾ kemur fram af hálfu hins opin-bera fyrir nefndinni við ákvörðun sekta og annast kröfugerð í sektarmálum. Úrskurðir nefndarinnar um sektarfjárhæð eru fullnaðarúrskurðir. Sektir skulu renna í ríkissjóð, nema vegna brota á lögum um tekjustofna sveitarfélaga, en þá skal sektarfjárhæð renna í viðkomandi sveitarsjóð.

□ Um innheimtu sekta gilda sömu reglur og um innheimtu vanskilafjár og álags samkvæmt lögum sem talin eru upp í 2. gr. laga þessara.

¹⁾ L. 88/2008, 234. gr. ²⁾ L. 111/1992, 27. gr.

Gildistaka.

- **23. gr.** Yfirskattanefnd skal hefja störf 1. júlí 1992. . .

Ákvæði til bráðabirgða.

■ **I.-IV.** . . .